

永樂大典

卷三千一百三十  
四

永樂大典卷之三千一百三十四

九真

陳

陳萬福

貞觀政要貞觀六年右衛將軍陳萬福自九成宮赴京。違法取驛家麩數石太宗賜其麩令自負出以耻之。

陳易從

彭州古今集唐高宗儀鳳三年吐蕃寇涼州泚河道大總管李敬立將兵十八萬與戰於青海易從之父以工部尚

書左衛大將軍深入為吐蕃所掠諸子詣闕請入吐蕃贖其父於聽次子省之即易從也。比至父已病卒。易從晝夜號哭不絕聲吐蕃哀之還其尸。易從徒走萬里負之以歸。見者流涕厥後易從為彭州長史。決唐昌并沱江鑿派流合壩口岐水。既九隴唐昌田大獲其利後易從生李敬業事。就州被害。民皆憐之為立祠。有廟在城西三里許五代蜀封順政公。今荒廢。

陳嗣

唐陳拾遺彙梓州射洪縣武東山故居士陳君碑。君諱嗣字弘嗣其先陳國人也。漢末淪喪八代祖祗自汝南仕蜀為尚書

永樂大典卷三千一百三十四

令其後蜀為晉所滅子孫避晉不仕居涪南武東山與唐胡白趙五姓宜立新城郡部制二縣而四姓宗之世為郡長蕭齊之末有太平者兄弟三人為郡豪傑梁武帝受禪網羅英豪拜太平為新城郡守尋加本州別駕弟太樂太蒙蒙為黎州長史都督護南梁二郡太守樂為本郡司馬即君之高祖父也。生曾祖方慶好道不樂為仕得墨子五行秘書而隱於武東山。生烈祖湯仕郡為主簿。遇梁季長亂避世不仕。主皇考廣迴迥早卒。君即迥之第二子也。少孤而有純德。恭已歸行。一日三省家世本以清白崇德。迥君之孤。素業空矣。君有仁兄養母以孝君克順主行同勤苦節。夏不避暑。冬不避寒。蒸蒸服事。行年四十有五入則孝。出則悌。謹而信。凡愛眾而親。信無餘力也。以是不憂於道。遠親終歿。春秋已高。從事不可以養矣。乃報干祿之學。修養生之道。山堅高居農野永歲。推聞漢有王丹者。故君不仕。家累千金以自養。田稼動者載酒有從之。鄉里承化。以相憇。溫乃歎曰。彼王丹者是為政矣。其為政也。由是始考林澤。闢良田。習山書。務農政。天道時變。地道化成。丘陵崩數。星歲雲物。靡不用心也。原田每每。黍稷漢。漢。沈陽之稼如雲矣。春。載善。歲事其格。白露時降。百穀收熟。君常乘青。輦。省農夫。贖田。峻。刑。以肅情。悅以勞勩。若孫吳之用兵。驚鳥之搏擊也。俾

彼甫田。歲取十千。倉廩實。崇禮節。恤博寡。賑窮乏。九族以親之。鄉黨以歡之。居十餘年。家累千金矣。其鄰國有偷衣食帶刀劍推埋胙區之類。聞其走狗之毒。莫不靡下風。馴雅素曰。里有仁焉。吾何從之也。遂頃浮歛之節。肅恭儉之規。修孝悌。飾廉耻。將欲較君之素業也。君時年已耳順。素無經世之情。林園遠老。玄默忘歲。遂保先君武東山之故居。行不由徑。非公事未嘗至於州縣也。昔襄陽有龐德公。谷口有鄭子真。東海王霸。西山蜀才。皆避世養德。退耕求志。軒冕不可得而竊。憂患不可得而累。迫于我君。作者五人矣。於戲古者至人不利苟得。不務近貴。量腹而食。度身而衣。非其道。萬鍾不足豐也。非其榮。五鼎不足飪也。躬勤耕稼。植其故而耘。不咨子路之問者。其豈我君之徒與。綿綿羅網。冥冥高鴻。趙趨竹竿。穆修幽籠。其與禍敗之遠絕如胡越哉。然則兩龔不免於蘭焚。二老不免於薇蕝。其近貴利耶。夫上無憂悔。下無飢寒。舍道以制嗜慾。違命以順生死。仁以愛身。智以養德。俾爾耆而艾。俾爾昌而熾。君子保之以永壽考。非我君者乎。享年八十有五。太歲壬辰五月十三日考終厥命。臨終戒曰。啓予足。啓予手。我聞古人有言。珠玉而瘞之。是暴骸於中原也。古者不封不樹。後代聖人勿之以棺槨。吾不違。聖人具棺槨而已。故以常服。墳無丘龍。吾將庶幾以

水樂大典卷三百一十五

二

奉先人之清業也。有子某等。皆能祇奉遺訓。事從先志。長壽二年。龍集癸巳。月日。亥月。載踰卜兆時吉。始啓殯昭告。奉遷於舊塋武東山之陽。禮也。鄉里會葬者十餘人。皆涕泣號慕。悲純德之不見。咸曰。君子沒矣。仁何以名。陵谷不朽。匪唯頌聲。小子不敢。謹述鄉人之教。其詞曰。肅肅我祖。國始於陳。中裔淪喪。泊此江濱。山川隆鬱。拚鼎氛氳。生我君子。於鏢元真。惟孝肅悌。推仁善鄰。樂我耕稼。忘我縉紳。茫茫田藪。歲也其春。農人肅事。君子孺勤。孰爲夫子。植杖而耘。入者何慕。鴻飛高雲。楚狂懼世。夷叔求仁。良獨然矣。不考于身。我異於是。非隱非淪。撫化隨運。安排屈伸。天年既沒。長夜何辰。聖運不堯。宇宙同塵。桐棺三寸。豈我窶貧。自古有死。吾從聖人。嗟爾百代。子子孫孫。輪者自歆。天道無親。思我松柏。恭儉是遵。

陳元敬

與地紀勝元敬即子昂之父也。現備僮僕。弱冠豪俠。屬郡人阻飢。一朝散粟萬斛以賑貧者。年二十二。鄉貢明經。擢第拜文林郎。青龍末。天后居攝。遂山棲餌木十八年。見陳伯玉集趙僧頊陳拾遺葉撰府君有周文林郎陳公墓誌文。公諱元敬。字某。其先陳國人也。五世祖太樂梁大同中爲新城郡司馬。生高祖方慶。方慶好道德。墨子五行秘書白虎七變法。隱於郡武東山。生曾祖湯。湯爲郡主簿。湯生祖通。

# 永樂大典

卷三二三四

通早卒。生皇考辨為郡豪傑。公河日海口。驚順虎頭。性英雄而志尚玄默。群書秘學。無所不覽。年弱冠。早為州閭所服。耆長重切。其之若大賓。二十鄉貢。明經。擢第。拜文林郎。為憂。艱不仕。晉道育德。樹其清風。邦人朝致。如衆鳥之從鳳也。時有決訟。不取州郡之命。而信公之言。四方豪傑。望風景附。朝廷聞名。或以君為西南大豪。不知深慈恭懿。敬讓以德也。州將縣長。時或陳議。青龍癸未。唐曆云微。公乃山棲絕。教息人事。歸雲母以怡其神。居十八年。玄圖天象。無所不達。嘗宴然坐。謂其嗣子子昂曰。吾幽觀大運。賢聖生有萌牙。時發乃茂。不可智力圖也。氣同萬里。而遇合不同。造際而傳。古之合者百無一焉。嗚呼。昔堯與舜合。禹與湯合。天下得之。四百餘年。湯與伊尹合。天下歸之。五百年。文王與太公合。天下順之。四百年。禹禹版。天紀亂也。賢聖不相逢。老聃仲尼。海濶淵深。不能自昌。固有國者。享年不永。彌四百年。餘戰國如糜。至於赤龍之興。四百年。天紀復亂。夷胡奔突。賢聖淪亡。至于今。四百年矣。天意其將周復乎。於戲。老夫汝其志之。太歲己亥。享年七十有四。七月七日。己未。隱化于松館。孤子子昂。愚昧。鞠然在疚。不知所從。乃祇馴聖人卜宅之義。是歲十月己酉。遂開。扶舊塾。奉寧神於此山石佛谷之中。壘也。銘曰。賢者避地。遷其佳。公鳳兮。鳳兮。誰能象兮。

永樂大典卷三二三四

三

嗚呼我君。懷賢不試。孰知其深廣兮。悠悠白雲。自怡養兮。大運不齊。賢聖罔象兮。南山四君。不遭漢天子。固亦商丘之遺壤兮。

## 陳子昂

新唐書列傳子昂字伯玉梓州射洪人其先居新城六世祖大樂當齊時兄弟號豪傑梁武帝命為郎司馬父元敬

世蓄貲歲飢出粟萬石賑鄉里舉明經調文林郎子昂十八未知書以富家子尚氣大博自如他日入鄉校感悔即痛脩飭大明初舉進士時高宗崩將遷梓宮長安於是關中無歲子昂上書盛言東都勝壇可營山陵武后奇其才召見金華殿子昂親柔野少威儀而占對慷慨擢麟臺正字垂拱初詔問群臣調元氣當以何道子昂因是勸后興明堂太樂即上言臣聞之於師曰元氣天地之始萬物之祖王政之大端也天地莫大於陰陽萬物莫靈於人主政莫先於安人故人安則陰陽和陰陽和則天地平大地平則元氣正先王以人之通於天也於是養成群主順天德使人樂其業甘其食美其服然後天瑞降地符升風雨時草木茂遂故顛項唐虞不敢荒寧其書曰百姓昭明協和萬邦黎民於變時雍適命羲和欽若昊天曆象日月星辰敬授人時和之得也夏商之衰桀紂昏暴陰陽乖行天地震怒山川鬼神發妖見災疾疫大興終以滅亡和之失也追周文武創業

誠信忠厚加于百姓。故成康刑措四十餘年。天人方和。而幽厲亂常。苛虐暴虐。詬賅天地。川澤沸崩。人用怨怒。其詩曰。昊天不惠。降此大戾。不先不後。為虐為瘼。顧不哀哉。近隋煬帝恃四海之富。鑿渠決可。自伊洛屬之揚州。疲生人之力。溲天地之藏。中國之難起。故身死人手。宗廟為墟。逆元氣之理也。臣觀禍亂之動。天人之際。先師之說。昭然著明。不可欺也。陛下含天地之德。日月之明。眇然遠思。欲求太和。此伏羲氏所以為三皇首也。昔者天皇大帝。攬元符東封太山。然未建明堂。享上帝。使萬世為業。闕而不昭。殆留此盛德。以發揮陛下哉。臣謂和元氣。種人倫。捨此則無以為也。昔黃帝合宮。有虞總期。堯衢室。夏世室。皆所以調元氣。治陰陽也。臣聞明堂有天地之制。陰陽之統。二十四氣。八風。十二月。四時。五行。二十八宿。莫不率備。王者政失。則災政順。則祥。臣願陛下為唐虞萬世之業。相國南郊。建明堂。與天下更始。按周禮。月令而成之。題月孟春。乘鸞。輅駕蒼龍。朝三公。九卿。大夫于青陽。左个。負斧扆。馮玉几。聽天下之政。躬藉田。親籍以勸農桑。養三老。五更。以教孝悌。明訟恤獄。以息淫刑。脩文德。以止干戈。察孝廉。以除貪吏。後宮非妃嬪。御女者出之。珠玉錦繡。雕琢技巧。無益者。棄之。巫鬼淫祀。焚惑於人者。禁之。臣謂不數養。且見太平云。又言陛下方興大化。

永樂齋卷三十一百二十四

四

而太學久廢。堂皇埃蕪。詩書不聞。明詔尚未及之。愚臣所以私恨也。太學者。政教之地也。君臣上下之取則也。但且指讓之所興也。天子于此得賢臣焉。令委而不論。雖欲睦人倫。興治綱。失之本而求之末。不可得也。君子三年不為禮。禮必壞。三年不為樂。樂必崩。奈何為天下而輕禮樂哉。願引胄子使歸太學。國家之大務。不可廢已。后召見賜筆札。中書省令條上利害。子昂對三事。其一言九道出。大使巡按天下。申黜陟。求人瘼。臣謂計有未盡也。且陛下發使。必欲使百姓知天子夙夜憂勤之也。群臣知考績而任之也。姦暴不逞。知將除之也。則莫如擇仁可以恤孤。明可以振滯。則不避權禦。智足以照姦者。然後以為使。故輶軒未動。而天下翹然待之矣。今使且未出。道路之人。皆已指天。欲望進賢。下不肖。豈可得邪。宰相奉詔書。有遣使之名。無任使之實。使愈出。天下愈弊。徒令百姓治道路。送往迎來。不見其益也。臣願陛下更選有威重風采。為衆推者。因御前殿。以使者之禮。禮之。諄諄成教。所以出使之意。乃授以節。自京師及州縣。登拔才良。求人瘼。宣布上意。令若家見。而戶曉。昔堯舜不下席。而化天下。蓋黜陟幽明。能折衷者。陛下知難得人。則不如少出使。彼煩數。而無益於化。是烹小鮮。而數撓之矣。其二言新史縣令。政教之首。陛下布德澤。下詔書。以待刺史。

縣令謹宣而奉行之。不得其人。則委事有司。掛牆屋耳。百姓安得知之。一州得才。刺史十萬戶。賴其福。得不才。刺史十萬戶。受其困。國家興衰。在此職也。今吏部調縣令。如補一尉。但計資考。不求賢良。有如不次用人。則天下囂然相謗矣。紐于常而不變也。故庸人皆任。縣令教化之陵。遂顧不甚哉。其三言天下有危機。禍福因之而生。機靜則有福。動則有禍。百姓安則樂生。不安則輕生者是也。今軍旅之弊。夫妻不得安。父子不相養。五六年矣。自劔南。盡河隴。山東由青。徐。曹。汴。河北。舉滄。瀛。趙。鄭。或因水旱。或頌兵疫。死亡流離。略盡尚。賴陛下憫其失職。凡兵戍。調發一切罷之。使人得妻子相見。父兄相保。可謂能靜其機也。然臣恐將相有貪。夷狄利以廣地。疆武說陛下者。欲動其機。機動則禍構。宜脩文德。垂刑罰。勸農桑。以息疲民。蠻夷知中國有聖王。必累譯至矣。于時吐蕃九姓叛。詔田揚名發金山道十姓兵討之。十姓君長以三萬騎戰。有功。遂請入朝。后責其嘗不奉命。擅破回紇。不聽于昂上疏曰。國家能制十姓者。緣九姓。疆大臣伏中國。故勢微弱。委命下吏。今九姓叛亡。北蕃喪亂。君長無主。回紇殘破。磧北諸姓已非國有。欲倚角亡。叛唯金山諸蕃共為形勢。有司乃以揚名擅破回紇。歸十姓之罪。拒而遣還。不使入朝。恐非羈我之長策也。夫戎有鳥獸心。親之

則順。疑之則亂。今阻其善意。則十姓內無國家親信之恩。外有回紇報讐之患。懷不自安。鳥駭狼顧。則河西諸蕃自此拒命矣。且夷狄相攻中國之禍。今回紇已破。既無可言。十姓非罪。又不當絕。罪止揚名。足以慰其首領矣。近詔同城。權置安北府。其地當磧南口。制匈奴之衝。常為劇鎮。臣頃聞磧北突厥之歸者。已十餘帳。來者未止。甘州降戶四千帳。亦置同城。今磧北喪亂。荒饑之餘。無所存仰。陛下開府招納。誠獲全戎狄之仁也。然同城本無儲峙。而降附蕃落。不免寒飢。更相劫掠。今安北有官牛羊六十。粟麥萬斛。城孤兵少。降者日衆。不加教郵。盜劫日多。夫人情以求生為急。今有粟麥牛羊。為之餌而不救其死。安得不為盜乎。盜興則安北不全。甘涼以往。路以待陷。後為邊患。禍未可量。是則誘之使亂。誨之使盜也。且夷狄代有雄傑。與中國抗。有如勃起。招合遺散。乘將係輿。此國事大機。不可失也。又謂河西諸州軍興以來。公私儲蓄。尤可嗟痛。涼州歲食六萬斛。屯田所收不能償墾。陛下欲制河西。定亂戎。此州空虛。未可動也。甘州所積四十萬斛。觀其山川。誠河西咽喉地。北當九姓。南逼吐蕃。森回不測。伺我邊。請故甘州地。廣東多。左右受敵。但戶止三千。勝兵者少。屯田廣。倉庫豐。併瓜肅。以西皆仰其解。一旬不往。士已枵飢。是河西之命。係于甘州矣。且其四

十餘屯。水泉良沃。不待天時。歲取二十萬斛。但人力寡乏。未盡墾發。異時吐蕃不敢東侵者。繇甘涼士馬糧盛。以抗其入。今甘州積粟萬計。兵少不足以制賊。若吐蕃敢大入。燔蓄穀。蹂諸屯。則河西諸州。我何以守。宜益屯兵。外得以防盜。內得以營農。取數年之收。可飽士百萬。則天兵所臨。何求不得哉。其後吐蕃果入寇。終后世為邊患最甚。后方謀開蜀山。由雅州道翦生羌。因以襲吐蕃。子昂上書。以七驗諫止之。后復召見。使論為政之要。通時不便者。毋援上古。用空言。子昂乃奏八科。一措刑。二官人。三知賢。四去疑。五招諫。六勸賞。七息兵。八安宗子。其大要謂。今百度已備。但刑急網密。非為政之要。凡大人初制天下。必有凶亂叛逆之人。為我驅除。以明天誅。凶逆已滅。則順人情。赦過宥罪。蓋刑以禁亂。亂靜而刑息。不為承平設也。太平之人。樂德而惡刑。刑之所加。人必慘怛。故聖人貴措刑也。比大赦深蕩群罪。天下蒙慶。咸得自新。近日詔獄稍滋。鉤捕支黨。株蔓推窮。蓋獄吏不識天意。以抵慘刻。誠宜廣愷悌之道。執法慎罰。若白誣寃。此太平安人之務也。官人惟賢。政所以治也。然君子小人各尚其類。若陛下好賢而不任。任而不能信。信而不能終。終而不賞。雖有賢人。終不肯至。又不肯勸。反是則天下之賢集矣。議者乃云。賢不可知。人不易識。臣以為固易知。固易

識。夫尚德行。者無凶險。務公正者無邪明。廉者憎貪。信者疾偽。智不為愚者謀。勇不為怯者死。猶鷹隼不接翼。薰蕕不共氣。其理自然。何者。以德並凶。勢不相入。以正攻佞。勢不相利。以廉勸貪。勢不相售。以信質偽。勢不相和。智者尚謀。愚者所不聽。勇者徇死。怯者所不從。此趣向之反也。賢人未嘗不思効用。願無其類。則難進。是以湮汨于時。誠能信任。俊良。知左右有灼然賢行者。賜之尊爵厚祿。使以類相舉。則天下之理得矣。陛下知得賢。須任。今未能者。蓋以常信任者不效。如裴炎。劉禕之。周思茂。嘗味道。因蒙用矣。皆孤恩前死。以是陛下疑於信賢。臣固不然。昔人有以唾得病。乃欲絕食。不知食絕而身殞。賢人於國猶食在人。人不可以一唾而止餐。固不可以一賢而遺正士。此神鑒所知也。聖人大德。在能納諫。太宗德來三王。而能容魏徵之直。今誠不敢諫。骨鯁之臣。陛下廣延。順納。以新盛德。則萬世有述。臣聞勞臣不賞。不可勸功。死士不賞。不可勸勇。今或勸勞死。類名爵不及。偷榮尸祿。寵秩妄加。非所以表庸勵行者也。願表顯。狗節。勵死百僚。古之賞一人。十萬人悅者。蓋云當也。今事之最大者。患兵甲。歲興賦。役不省。興師十萬。則百萬之家。不得安業。自有事。比秋于今十年。不聞中國之勝。以庸將御冗兵。徭役日廣。兵甲日弊。頓審量損益。計利害。勢有不可

永樂大典

卷三二三四

母在出兵。則人安矣。庶幾千紀。自取屠滅。罪止。姓逆。無復緣生。宗室子弟。皆得更生。然臣願陛下重曉。慧之使明知天子慈仁。下得自安。臣聞人情不能自明。則疑。疑則懼。懼則罪生。惟賜。惟梯之德。使居無過之地。俄遣石衛。曹參軍。后既稱皇帝。改號周。子昂上。周受命。頌以媚。悅后。雖數召見。問政事。論亦詳切。故奏。聞輒罷。以母喪去官。服終。推右拾遺。子昂多病。居職不樂。會武攸。空討契丹。置幕府。表子昂參謀。次漁陽。前軍敗。舉軍震恐。攸。空輕易。無持略。子昂諫曰。陛下發天下兵。以厲大王。安危成敗。在此一舉。安可忽哉。今大王法制不立。如小兒戲。願當智。愚量勇。怯度。衆寡。以長攻短。此制。耻之道也。夫按軍。尚威嚴。擇親信。以。慮不測。大王提重兵。精甲。頌之境上。未亥。竊發之變。良可懼也。王能聽。愚計。公。度下萬人。為前驅。契丹。小醜。指日可禽。攸。空以其儒者。謝不納。后數日。復進計。攸。空怒。徙署軍曹。子昂知不合。不復言。聖曆初。以父老。表解官。歸侍。詔以官供養。會父喪。廬。冢次。每哀。慟。聞者。為出涕。將令段簡。貪暴。聞其富。欲害子昂。家人納錢。二十萬緡。簡。薄其賂。捕送獄中。子昂之見。捕。自。箕。卦。成。驚曰。天命不祐。吾殆死乎。果死獄中。年四十三。子昂。往。編。踪。然。輕財。好施。為朋友。與。陸。餘。慶。王。無。競。房。融。崔。泰。之。廬。藏。用。趙。元。最。厚。唐。興。文。章。承。徐。庾。餘。風。天下。祖。尚。子。

永樂大典卷三二三四

七

昂始變雅正。初為感遇詩三十八章。王適曰。是必為海內文宗。乃請交子昂。所論著當世以為法。大曆中。東川節度使李叔明。為立旌德碑於梓州。而學堂至今猶存。子先復與趙元子少微。相善。俱以文稱。光終商州刺史。子易甫。簡甫。皆位御史。董衝。釋音。壇。司。亥。切。高。吳。也。權。其。供。切。毒。也。扶。直。乙。切。噍。才。笑。切。前。也。噉。荒。故。切。邛。漢。郎。切。北。邛。山。名。墟。丘。於。切。丘。也。唐。古。外。切。勢。董。藏。杯。薄。侯。切。子。鞠。物。也。瘵。側。果。切。病。也。賴。夫。同。切。鞋。車。紐。女。九。切。鄭。恭。各。切。將。名。在。河。間。賁。七。連。切。水。中。有。石。奇。舉。特。切。偏。引。踏。去。婚。切。鑄。字。詳。切。北。也。鐸。音。逆。野。前。楊。許。婚。切。蹂。危。九。切。段。也。繪。古。外。切。後。也。味。許。操。切。阪。音。達。切。坡。阪。屏。紐。山。切。於。也。龜。茲。上。柱。无。下。禮。之。切。推。古。安。切。猶。夫。同。切。華。也。諱。許。五。切。姓。語。舊。唐。書。列。傳。陳。子。昂。梓。州。射。洪。人。家。世。豪。富。子。昂。獨。苦。節。讀。書。尤。善。屬。文。初。為。感。遇。詩。三十。首。京。兆。司。功。王。適。見。而。驚。曰。此。子。必。為。天。下。文。宗。矣。由。是。知。名。舉。進。士。會。高。宗。崩。靈。駕。將。還。長。安。子。昂。詣。闕。上。書。盛。陳。東。都。形。勝。可。以。安。置。山。陵。關。中。早。儉。靈。駕。西。行。不。便。曰。梓。州。射。洪。縣。草。莽。愚。臣。子。昂。謹。頓。首。冒。死。獻。書。闕。下。臣。聞。明。王。不。惡。切。直。之。言。以。納。忠。烈。士。不。憚。死。亡。之。誅。以。極。諫。故。有。非。常。之。策。者。必。待。非。常。之。時。有。非。常。之。時。者。必。待。非。常。之。主。然。後。危。言。正。色。抗。議。直。辭。赴。湯。鑊。而。

不遇至誅夷而無悔。豈徒欲說伐夸俗。厭生樂死者哉。實以為殺身之害。小存國之利。大故審計定議。而甘心焉。况乎得非常之時。遇非常之主。言必獲用。死亦何驚。千載之跡。將不朽於今日矣。伏惟大行皇帝。遺天下棄群臣。萬國震驚。百姓屠裂。陛下以克齊之聖。承宗廟之重。天下之望。顯顯如也。莫不冀蒙聖化。以保餘年。太平之主。將復於今日矣。况皇太后以文母之賢。叶軒宮之耀。軍國大事。遺詔決之。唐虞之際。於斯為盛矣。臣伏見詔書梓宮將遷。出京師。塞與亦欲陪幸。計非上策。智者失圖。廟堂未聞骨鯁之謀。朝廷多有順從之議。愚臣竊以為過矣。伏自思之。生逢聖世。日沐皇風。目頂至踵。莫非亭育。不能歷丹鳳。然龍北望。玉階東面。金屋坑音。而正諫者。聖王之罪人也。所以不顧萬死。乞陳一言。願蒙聽覽。甘就鼎鑊。伏惟陛下察之。臣聞秦據咸陽之時。漢都長安之日。山河為固。天下服矣。然猶北假胡苑之利。南資巴蜀之饒。自渭入河。轉關東之粟。踰沙絕漠。致山西之寶。然後削平天下。彈壓諸侯。長轡利策。橫制宇宙。今則不然。燕代迫匈奴之侵。巴隴嬰吐蕃之患。西蜀疲耗。千里羸糧。北國丁男。十五乘塞。歲月奔命。其弊莫堪。秦之首尾。今為闕矣。即所餘者。獨三輔之間耳。頃遭荒饉。人被荐飢。自河而西。無非赤地。循隴已北。罕逢青草。父兄轉徙。妻子

永樂大典卷三千二百三十四

八

流離。委家喪業。膏原潤莽。此朝廷之所備知也。賴以宗廟神靈。皇天悔禍。去歲薄稔。前秋稍登。使羸餓之餘。得保沉命。天下幸甚。可謂厚矣。然則流人未返。田野尚蕪。白骨縱橫。阡陌無主。至於蓄積。猶可哀傷。陛下不料其難。責從先意。遂欲長驅大駕。按節秦京。千乘萬騎。何方取給。况山陵初制。穿復未失。土木工匠。必資徒役。今欲率疫弊之衆。興數萬之軍。徵發近畿。鞭撲羸老。鑿山載石。驅以就功。春作無時。秋成絕望。凋瘵遺嘆。再罹飢苦。僅不堪其弊。有一逋逃。子來之頌。將何以述。亦宗廟之機。不可不深圖也。况國無兼歲之儲。家鮮匝時之蓄。一旬不雨。猶可深憂。忽加水旱。人何以濟。陛下不深察始終。獨違群議。臣恐三輔之弊。不止如前日矣。且天子以四海為家。聖人包六合為宇。歷觀遠古。以至於今。何嘗不以三王為仁。五帝為聖。故雖周公制作。夫子著明。莫不祖述堯舜。憲章文武。為百王之鴻烈。作千載之維圖。然而辨死陟方。葬蒼梧而不返。禹會群后。殛得山而永終。豈其愛壘夷之鄉。而鄙中國哉。實將欲示聖人之無外也。故能使墳籍以為美談。帝王以為高範。况我巍巍大聖。轅帝登皇。日月所照。莫不率俾。何獨秦豐之地。可置山陵。河洛之都。不堪園寢。陛下豈不察之。愚臣竊為陛下惜也。且景山崇麗。秀冠群峯。北對嵩邙。西望汝海。居祝融之故地。連

大吳之遺墟。帝王圖跡。踰橫左右。園陵之美。後何加焉。陛下曾未察之。謂其不可。愚臣鄙見。民足尚矣。况澤潤之中。天地交會。北有太行之險。南有宛葉之饒。東歷江淮。食湖淮之利。西馳崑崙。據關河之寶。以聰明之主。養純粹之人。天下和平。恭已正南而已。陛下不思。灑洛之壯觀。關隴之荒蕪。乃欲素太山之安。履焦原之險。忘神器之太寶。徇曾閔之小節。愚臣暗昧。以為甚也。陛下何不覽聖臣之策。求行路之謠。諮謀太后。平章宰輔。使蒼生之望。知有所安。天下豈不幸甚。昔者平王遷周。光武居洛。山陵寢廟。不在東京。宗社墳塋。並居西土。然而春秋美為始王。漢書載為代祖。豈其不類孝哉。何聖賢覆庇於斯。濫矣。實以時有不可。事有必然。蓋欲遺小存大。去禍歸福。聖人所以貴也。夫小不忍。亂大謀。仲尼之至誠。願陛下察之。若以臣愚不用。朝議遂行。臣恐關隴之憂。未時休也。臣又聞太原蓄鉅萬之倉。洛口積天下之粟。國家之資。斯為大矣。今欲捨而不顧。皆以長驅。使有識驚嗟。天下失望。儻鼠竊狗盜。萬一不圖。西入陝州之郊。東犯武牢之鎮。盜救倉一杯之粟。陛下何以遏之。此天下之至機。不可不深料也。雖則盜未旋踵。誅刑已及。滅其九族。焚其妻子。泣辜雖恨。將何及焉。故曰。先謀後事者逸。先事後謀者失。國之利器。不可以示人。斯言豈徒設也。固願陛下

念之。則天召見奇。其對拜。麟臺正字。則天特事雅州討生羌。子昂上書曰。麟臺正字。臣子昂。昧死上言。臣聞道路云。國家欲開蜀山。自雅州道入。討生羌。因以襲擊吐蕃。執事者不審。圖其利害。遂發梁鳳。已歿兵以徇之。臣愚以為。西蜀之禍。自此結矣。臣聞亂生必由於怨。雅州邊羌。自國初已來。未嘗一日為盜。今一旦無罪受戮。其怨必甚。怨甚懼誅。必蜂駭西山。西山盜起。則蜀之邊邑。不得不連兵備守。兵久不解。則蜀之禍構矣。昔後漢末。西京喪敗。蓋由此諸羌。此一事也。且臣聞吐蕃。梁鳳之虜。君畏相信而多。姦謀。自敢抗天。誅道來向二十餘載。大戰則大勝。小戰則小勝。未嘗敗一隊。亡一夫。國家往以薛仁貴。郭待封。為尨武之將。屠十萬衆於太非之川。一甲不返。又以李敬玄。劉審禮。為廊廟之器。辱十八萬衆於青海之澤。身因虜虜。是時精甲勇士。勢如雲雷。悉竟不能擒一戎。賊一醜。至今而關隴為空。今適欲以李虔一為將。驅顯賴之兵。將襲吐蕃。臣竊憂之。而為此虜所笑。此二事也。且夫事有求利而得害者。則蜀昔時不通中國。恭惠王欲帝天下。而并諸侯。以為不兼實。不取蜀。勢未可舉。乃用張儀計。歸美女。饋金牛。因間以啖蜀侯。蜀侯果貪其利。使五丁力士。鑿通谷。棧梁紆。置道於秦。自是險阻不關。山谷不閉。張儀驕蹇。乘使。縱兵大破之。蜀侯誅。實已滅。

至今蜀為中州。是貪利而亡。此三事也。且臣聞吐蕃獨虐。愛蜀之珍富。欲盜之久。有日矣。然其勢不能舉者。徒以山川阻絕。障隘不通。此其所以頽餓狼之喙。而不得侵食也。今國家乃亂邊。開隘道。使其收奔亡之種。為鄉導以攻邊。是乃借寇兵而為賊除道。舉全蜀以遺之。此四事也。臣竊觀蜀之西南一都會。國家之寶庫。天下珍貨聚出其中。又人富粟多。順江而下。可以兼濟中國。今執事者。乃圖僥倖之利。悉以委事西羌。得西羌。地不足以據。儲財不足以富國。徒殺無辜之衆。以傷陛下之仁。糜費隨之。無益聖德。又况僥倖之利。未可圖哉。此五事也。夫蜀之所實。恃險者也。人之所安。無役者也。今國家乃開其險。役其人。險開則便寇。人役則傷財。臣恐未見羌戎。已有姦盜在其中矣。往年益州長史李崇真。圖此姦利。傳檄稱吐蕃欲寇松州。遂使國家盛軍師。大轉餉以備之。未二三年。已蜀二十餘州。騷然大弊。竟不見吐蕃之面。而崇真賊錢已計鉅萬矣。蜀人殘破。數不堪命。此之近事。猶在人口。陛下所親知。臣愚意者。不有姦臣欲圖此利。復以生羌為計者哉。此六事也。且蜀人。不習兵戰。一虜持矛。百人莫敢當。又山川阻曠。去中夏。精兵處遠。今國家若擊西羌。掩吐蕃。遂能破滅其國。奴虜其人。使其君長。係首北闕。計亦可矣。若不到如此。臣方見蜀之邊陲。

不可守。而為羌夷所橫暴。昔辛有見被髮而祭伊川者。以為不出百年。此其為戎。臣恐不及百年。而蜀為戎。此七事也。且國家近者有廢安北。拔單于。棄龜茲。放疎勒。天下翕然謂之盛德。所以者何。蓋以陛下務在仁。不在廣。務在養。不在殺。將以此息邊鄙。休甲兵。行三皇五帝之事者也。今又徇貪夫之議。謀動兵戈。將誅無罪之戎。而遺全蜀之患。將何以令天下乎。此愚臣所以不甚悟者也。况當今山東飢。關隴弊。歷歲枯旱。人有流亡。誠是聖人寧靜。思和天人之時。不可動甲兵。興大役。以自生亂。臣又流聞西軍失守。北軍不利。遣人忙動。情有不安。今又復驅此兵。投之不測。臣聞自古亡國破家。未嘗不由黷兵。今小人議夷狄之利。非帝王之至德也。又况弊中夏哉。臣聞古之善為天下者。計大而不可計。小務德而不務刑。圖其安則思其危。謀其利則慮其害。然後能長享福祿。伏願陛下。執計之。再轉右拾遺。數上疏陳事。詞皆典美。時有同州下邳人徐元慶。父為縣尉。趙師韞所殺。後師韞為御史。元慶變姓名於驛家傭力。候師韞手刃殺之。議者以元慶孝烈。欲捨其罪。子昂建議。以為國法。專殺者死。元慶宜正國法。然後旌其閭墓。以褒其孝義可也。當時議者咸以子昂為是。俄授麟臺正字。武攸宜統軍北討契丹。以子昂為管記。軍中文翰皆委之。子昂父在鄉。為縣令。

# 永樂大典

## 卷三二三四

段簡所辱于昂聞之。遽還鄉里。簡乃因事收繫獄中。憂憤而卒。時年四十餘。子昂編錄無感儀。然文詞宏麗。甚為當時所重。有集十卷。友人黃門侍郎盧藏用為之序。盛行於代。文苑英華。唐盧藏用撰陳氏別傳。陳子昂字伯玉。梓州射洪縣人也。本居潁川。四世祖方慶。得墨翟秘書。隱於武東山。子孫家焉。世為豪族。父元敬。塊傭。僅年二十。以豪俠聞。屬鄉人阻饑。一朝散萬鍾之粟。而不求報。於是遠近歸之。若龜魚之赴淵也。以明經擢第。授文林郎。因充覽墳籍。居家。每以求其志。餽地。骨鍊雲膏。四十餘年。嗣子子昂。奇傑。過人。姿狀。嶽立。始以豪家子。馳使氣。至年十七。八。未讀書。嘗從博徒。入鄉學。慨然。志。因。謝絕。門客。身。積。墳典。數年之間。經史百家。罔不該覽。尤善屬文。雅有相如子雲之風。骨初為詩。幽人王適見而驚曰。此子必為文宗矣。年二十一。始東入咸京。遊太學。歷試群公。都邑靡然屬目矣。由是為遠近所籍甚。以進士對策高第。屬唐高宗大帝崩于洛陽宮。靈駕將西歸。子昂乃獻書闕下。時。上以太后居攝。覽其書。而壯之。召見。問狀。子昂貌。寢寐。後。然言。王霸。一略。君臣之祭。甚。慷慨。為。上。壯。其。言。而。未。深知也。乃勅曰。梓州人陳子昂。地籍。英靈。文稱。偉。辟。拜。麟。臺。正。字。時。召。中。傳。寫。其。書。市。肆。間。巷。吟。詠。相。屬。乃。至。轉。相。貨。鬻。飛。馳。遠。適。秩。滿。隨。常。牒。補。

石衛曹。上數召問政事。言多切直。書奏輒罷之。以繼母憂解。服闋。拜右拾遺。子昂晚愛黃老言。尤耽味易象。往往精詣。在職。默然不樂。私有掛冠之意。屬契丹以營州叛。建安郡王攸宜親總戎。傳臺閣英妙。皆著在軍。度時勅子昂。承謀。惟幕車。次。魚。陽。前。軍。王。孝。傑。等。相。次。陷。沒。三。軍。寰。懼。子。昂。進。諫。曰。主上應天順人。百蠻向化。契丹小醜。敢謀亂。常天。意。將。空。東。北。之。隅。以資中國也。大王以元老親親。威略邁世。受律廟堂。弔人問罪。其精甲百萬。以臨前門。運海陵之倉。馳隴山之馬。積南方之甲。發西山之隄。傾天下以事一隅。此由舉太山而壓卵。建瓴破竹之勢也。然而張玄邁。王孝傑等。不謹師律。投首虜庭。由此長寇。威而殆。戰士夫。冠。威。長。則。難。以。爭。鋒。戰。士。殆。則。無。以。制。變。今。敗。軍。之。後。天。下。側。耳。草。野。傾。聽。國。政。今。大。王。中。謙。退。讓。法制。不申。每事同前。何以統眾。前如兒戲。後如兒戲。豈徒為賊所輕。亦主天下軒楨之心。聖人威制六合。故用聲爾。非能家至戶到。然後可服。况兵貴先聲。今發羊天下兵。以禹王。安危。成。敗。在。百。日。之。內。何。可。輕。以。為。尋。常。大。王。若。聽。愚。計。即。可。行。若。不。聽。必。無。功。矣。洎。其。成。功。報。國。可。欲。送。身。誤。國。耶。伏乞審聽。請盡至忠之言。凡事。須。先。比。量。智。愚。衆。寡。勇。怯。強。弱。部。校。將。帥。之。勢。然。可。合。戰。求。利。以。長。攻。短。今。皆。同。前。不。量。力。又。不。簡。練。暗。驅。烏。合。

敗後怯兵而欲討賊何由取勝僕一愚夫猶言不可况軒賊勝氣十倍未可當也且統衆禦軒須有法制親信若單獨一身則朱亥金鉞有竊發之勢不可不畏人有負琬琰之寶行於途必被劫賊何者為寶重人愛之今大王位重又握半天下兵豈直琬琰而已天下利器不可一失失即後有聖智之力難為功也故願大王於此決策非小讓兒戲可了若此不用忠信則至時機已失機與時一失不可再得願大王熟察大王誠能聽愚計乞分麾下萬人以為前驅則王之功可立也建安方求聞士以子昂素是書生謝而不納子昂體弱多疾感激忠義嘗欲奮身以答國士自以官在近侍又忝預軍謀不可見危而惜身苟容他日又進諫言甚切至建安謝絕之乃署以軍曹子昂知不合因箱默下列但兼掌書記而已因登薊北樓感昔樂生燕昭之事賦詩數百乃泫然流涕而歌曰前不見古人後不見來者念天地之悠悠獨蒼然而涕下時人莫之知也及軍罷以父老表乞罷職歸侍天子優之聽帶官取給而歸遂於射洪西山撰茅宇數十間種樹採藥以為養恨國史蕪雜乃自漢孝武之後以迄于唐為後史記綱紀粗立筆削未終鍾文林府君憂其中廢子昂性至孝哀號柴毀氣息不逮屬本縣令段簡貪暴殘忍聞其家有財乃附會文法將欲害之子昂荒

水樂大典卷三百二十四

十二

懼使家人納錢二十萬而簡意未已數與叟就吏子昂素羸疾又哀毀杖不能起外迫苛政自度氣力恐不全因命著自筮卦成仰而號曰天命不祐吾其死矣於是遂絕年四十二子昂有天下大名而不以矜人剛斷強毅而未嘗忤物好施輕財而不求報注不飲酒至於契情會理兀然而醉工為文而不好作其立言措意在王霸大畧而已時人不知之也尤重交友之分意氣一合雖白刃不可奪也友人趙貞固鳳閣舍人陸餘慶殿中侍御史王無競亳州長史房融右史崔泰之處士大原郭襲微道人史懷一皆篤歲寒之交與藏用遊取久飽於其論故其事可得而述也其文章散落多得之於人口今所存者十卷嘗著江上丈人論將磅礴機化而與造物者遊遭家難亡之荆州倉曹槐里馬擇日擇昔從父友王適獲陳君欣然忘我切齡矣榆關之役君籌其謀戎安累年不接晤語聖曆初君歸寧舊山有掛冠之志子懷役南遊道茲歡甚幽林清泉醉歌絃詠周覽所記候徧岷峨于旋未幾陳君將化悲夫言絕道冥杳然君喪之幾延陵心許而彼已亡天喪斯文我恨何及君故人范陽盧藏用集其遺文為序傳識者稱其實錄嗚呼陳君為不亡矣遂為贊曰岷山導江回薄萬里浩瀚鴻濛東注滄海靈光氤氳上薄紫雲其瑰寶所有則生異人於哉才可

兼濟屈而不伸行通神明因於庸豎子曰道之將喪也命矣夫唐才子傳  
子昂開權二年許旦榜進士初年十八時未知書以富家子任俠尚氣  
傳後入柳校感悔即於州東南金華山觀讀書痛自修飾精究墳典耽定  
黃老易象光宅元年詣闕上書陳靈駕入京召見武后奇其才遂拜麟臺  
正字令云地籍英華文稱曄曄累遷拾遺凡所著論世以為法詩調尤工  
嘗勸后興明堂太學以調元氣與遊英俊多秉權衡柳公權評曰能經著  
述克備比興唐興以來子昂而已有集十卷今傳嗚呼古來材大或難為  
用象以有齒卒焚其身信哉子昂之謂歟潼川志陳子昂字伯玉蓬州志  
射洪人其先居新城縣人初唐時置新城縣蓋居州城也垂拱初詔  
問群臣調元氣當以何道子昂因上書勸后興明堂太學后召見令條上  
利害子昂上疏以為朝廷遣使巡察四方不可任非其人及御史縣令不  
可不擇比年百姓疲於軍旅不可不安其略曰夫使不擇人則黜陟不明  
刑罰不中朋黨者進正直者退諂曰欲知其人觀其所使不可不謹也又  
曰宰相陛下之腹心刺史縣令陛下之手足未有無腹心手足而能獨理  
者又曰天下有危機禍福因之而生機靜則有福機動則有禍百姓安則  
樂其生不安則輕其死輕其死則無所不至祇逆來黨天下亂矣隋煬帝

不知天下有危機而信貪佞之臣冀收夷狄之利卒以滅亡其為殷鑒豈  
不大哉擢右拾遺子昂多病不樂居職會曹仁師等討契丹敗績制發天  
下囚奴以武攸宜為大提管討之子昂為攸宜府參謀上疏曰恩制免天  
下罪人及募諸色奴充兵討擊契丹此捷急之計非天子之兵且比來刑  
獄久清罪人全少奴多怯弱不慣征行縱募集未可用况天下忠臣勇士  
萬分未用其一契丹小孽假命待誅何勞免罪贖奴損國大體臣恐此策  
不可感示天下大曆中東川節度使李叔明為立旌德碑於梓州金華山  
讀書臺至今猶存有文集十卷傳於世子尤亦以文稱終高州刺史子昂甫  
簡用皆位御史唐史臣贊云子昂說武后興明堂太學其言甚高然后竊  
威柄誅大臣宗室脅逼長君而奪之權子昂乃以王者之術視之卒為婦  
人訕侮不用可謂薦圭璧於房闈以貽澤汗漫之也贊者不見泰山譬者  
不聞震霆子昂之言其聳聳與杜少陵詩云有才難發雅哲匠不比肩公  
生楊馬後名與日月懸韓昌黎云國朝盛文章子昂始高蹈唐虞用序拾  
遺文集云子昂崛起江漢虎視函夏卓立千古橫制頽波天下翕然質文  
一變蓋來齊以後浮靡之文自子昂始大變矣然子昂官拾遺以父老乞  
歸持詔以官供養后顧待未稟也及家居執耒而一縣令能捕繫致之死

豈當時縣令之權足以殺天子侍臣而無畏忌耶唐沈亞之有答鄭使君書云。天后時喬知之陳子昂受命通西北兩塞。還無酬勞。然喬死於陳。死於狂。皆由武三思嫉怒。一則奪其妓妾。以加憾。一則疑其排諫。以為累。陰令桑梓之宰拉辱之。皆死於非命。則殺子昂者。乃三思非段簡也。三思奸亂殘忍。志在竊國柄。敗李氏子昂前後進言。欲察誣告。緩詔。欲撫宗室。三思疑其排擯。陰令簡殺之。史雖軼其事。而理有必然者。然奪妓妾。以加憾。乃承嗣而指為三思何也。嘉祐中文與可作拾遺亭記云。校詔校唐書。新本見史臣第伯玉與傳奕呂才同傳。謂伯玉以王者之術。說武后。故貶之。甚哉不探伯玉為政理書之深意也。彼綠事。嘗好立文。橋借伯玉之言。有味于中矣。傳呂好曆數方技之書。但能略顧大體。顧務記覽。以資其末學。詎可引伯玉為之等夷。耶。當時嘗具疏于朝。以辯伯玉之不然。會際外官不果。豈是數者觀之。拾遺生死。皆有遺恨矣。楊祐甫跋拾遺感遇詩云。按感遇之目。梁昭明文選。及唐吳兢樂府古題。皆無見。惟郭代公有感遇詩。留通泉陳郭同武后時人。而郭述事。明皇後死。則陳同先達。郭之詩。必祖述陳公之為。非陳之詩。殆襲代公之目也。老杜既稱其志義。韓文公復以高蹈題之。監察御史趙儋撰大唐劍南東州節度觀察廳置等使戶部

尚書無梓州刺史。無御史大夫。鮮于公為故拾遺陳公建旌德之碑。公諱子昂。字伯玉。梓州射洪縣人也。其先居於潁川。高祖方慶。好道。得墨子五行祕書。白虎七變。隱於郡武東山。子孫因家焉。生曾祖湯。湯為郡主簿。湯生祖道。道早卒。生父辯。為郡豪傑。辯生元敬。魏儻。儻弱冠。以豪俠聞。屬鄉人阻飢。一朝散粟萬斛。以賑貧者。而不求報。年二十二。鄉貢。明經。擢第。拜文林郎。為青龍末。天后居攝。遂山棲。餌木。殆十八年。玄圖大衆。無不遠守。擬張平子風。鑿比郭林宗。即文林元子也。英傑過人。彊學冠世。詩可以鍼筆。可以削人。罕雙全。我能兼有。年二十四。文明元年。進士。射策。高第。其年高宗崩于洛陽宮。靈駕將西歸于乾陵。公乃獻書闕下。太后覽其書。而壯之。召見金華殿。因言霸王大略。君臣明道。拜麟臺正字。由是海內詞人靡然向風。乃謂司馬相如。揚子雲。復起於岷之間矣。秩滿。補右衛曹。每上疏言政事。詞旨切直。因而解罷。稍遷右拾遺。屬契丹以營州叛。建安郡王武攸宜親總戎律。特詔左補闕。屬之知。及公參謀。幕軍次。魚陽。前軍王孝傑等相次陷沒。三軍震惶。公乃進諫。庶救忠義。料敵決策。請分麾下萬人。以為前驅。奮不顧身。上報於建安。既諫。禮謝。絕之。但署以軍曹。掌記而已。公知不合。因登薊北樓。感昔樂生燕昭之事。賦詩而流涕。及軍罷。以

# 永樂大典

## 卷三二三四

父年老表乞歸侍主數月文林卒公至性純孝遂廬墓側杖而後起柴毀成  
性天下之人莫不傷歎年四十有二弃於射洪獨坐山有正聲集十卷著於交友  
人黃門侍郎范陽盧藏用為之序以為文章道喪五百年得陳君焉由是  
大仲之詞絕貴天下矣有子二人並進士父名畏曰光官至膳部郎中尚  
州刺史仲曰非歷河東藍田長安三尉卒官光有二子其長曰易甫監察  
御史次曰簡甫殿中侍御史非生三子長曰靈甫次曰競甫象甫皆守緒  
業有名於代簡甫南東川節度使兼御史大夫梓州刺史鮮公自受分關之  
征也初年謀始立法二年人當知教三年魯慶於道乃謂幕賓曰陳大林  
散葉萬斛以賑鄉人得非司城子罕貸而不書乎拾遺之文四海之內家  
藏一本得非藏文仲立歿而不朽乎於戲陳君道可以濟天下而命不通  
於天下才可以致克弊而運不合於克弊悲夫昔孔文舉為鄭玄著通門  
蔡伯喈為陳寔立大丘頌異代思賢之意也况陳君頹閣之行管樂之杖  
而守牧之臣久闕旌表何哉爰命來學第叙聖碑厥後來者是則是效其  
頌曰有鳩之後封於陳國根深苗長世載明德文林大器實非雕刻學  
術鉤深風鑿詣極代公耿光番玄藻識施不求報退身自照岷岷降靈拾  
遺提主氣總三象秀發五行才同入室學匪微積明明天后群龍効履橋

橋長難軒飛梁益封章屢抗矢陳刑辟匪君伊順惟鮮是逆允德未行三命惟  
場帝命建安遠征不伏咨公慕畫勝此驥足唯玉玩兵悞諫違上忠言不  
納前軍欲覆遂登削樓冀寫我憂大連茫茫天地悠悠沙麓氣衝太陰光  
流義士食薇人誰造周表解右省來歸溫滑如何風樹不寧不令廬墓  
之側柴毀成性管輅之才管輅之命惟國不寧非君之病我鮮于公中肅  
恭懿光明不融為君頌德穆如清風日月運安江漢流東不閉其文永昭  
文雉嗟乎道不可合違不可諧遂放言於感遇亦阮公之誅陳已而已  
而陳公之微意在斯唐陳拾遺書應天廣運聖文神武明道主德仁孝皇  
帝陛下闡統之九載威加政和風淳俗厚冬十月詔天下牧守修前代聖  
帝功臣賢士陵墓之毀圮者斯以崇至仁而修闕典也化為異物者尚藻  
飾之糜之好爵者則亭毒之恩可見矣延謂權輿是州亦奉斯命由是不  
俟駕而按其部至獨坐山前遇有唐故石拾遺陳君之墳嗚文集之中嘗  
飽其詞學志氣矣下馬一奠能不悽然因賦感詩一章以弔之曰  
元功墳在石山時司官之樂為攻文者甚百世相封樹茂不勞增築而  
加植也故節度使鮮于公所立之碑苔蘚侵剝文字磨滅因徵舊本命良  
工重勒於石豈祇顯此公之懿行之欲副吾君褒賢之云爾開寶戊辰歲

十二月十五日。惟誠保節。劾職功臣。請江軍節度觀察留後。光祿大夫檢校太傅知梓州軍州事。兼御史大夫上柱國天原郡開國侯。食邑一千三百戶。郭延謂撰今史錄。唐代諸賢祭文。及過學堂覽文集詩於碑陰。唐末名賢確論。盧藩用曰。昔孔宣父以天縱之才。自衛返魯。乃刪詩書。述易道。而作春秋。數千百年。文章粲然。可觀者也。孔子歿二百歲。而騷人作於是。婉麗浮侈。之去行焉。漢興二百年。實誼焉。融為人傑。憲章禮樂。有老成人之風。長卿子雲之儔。瑰詭萬變。亦奇行之士也。惜其王公大人之言。約於承辭。而顯其後。班馬在蔡。曹劉著陸。隨波而作。雖大雅不足。然其遠風除烈。尚有典刑。宋齊已來。益顯頹遠。陵頹靡靡。至于徐庾。天之將喪斯文也。後進之士。為上官儀者。雖踵而生。於是風雅之道。掃地盡矣。易曰。物不可終否。故受之以泰。道衰五百歲。而得陳君。君諱子昂。字伯玉。蜀人也。崛起江漢。虎視函夏。卓立千古。橫制頽波。天下翕然。質文一變。非夫岷峨之精。巫廬之靈。則何以生此。故有諫諍之辭。則為政之先也。昭表之竭。則議論之當也。國場之文。則大雅之悲也。徐君之議。則刑禮之中也。至於感教頌挫。微顯闡幽。庶幾見變化之狀。以接乎天人之際者。則感遇之篇。存焉。觀其逸足駸駸。方將拂扶搖而凌泰清。獵遺風而薄嵩岱。吾見其進。未見其止。惜乎湮厄。當世道不遇時。委骨巴山。年志俱天。故其文未極也。嗚呼。聰明精粹。而淪剝。貪叩禁鷲。以顯榮。天子天子。吾未知夫天焉。張廣英曰。學者議子昂作太周受命神鳳頌。乃詭悅武氏而不忠於唐。始亦嗤鄙其文。後因數四。細繹其旨。則知子昂之頌。乃諷諫武后。而保佑中宗之微旨也。其揚雄劇秦美新之亞乎。何以明之。子昂表云。先有唐基。以啓周室。不改舊物。天下惟新。皇王已來。未嘗有也。此言自古未嘗有婦人革命之事。又欲武氏不改唐室舊物。乃不顯諫之義也。又序云。天無二日。土無二王。陛下受天之符。為人聖母。皇帝仁孝。肅恭神明。可以慕武承業。以承武氏。而天下謂不可傳於武氏。子昂之微旨也。魏謂諂悅武氏。而為之哉。首子雲美新室。郭開辨之。而世之人方知子雲之心。今辨子昂亦開之意。然則賢者立言。必俟後世之知音。噫。士君子仕於亂世。以此微文。而全身遠害可也。然而子雲之美新。子昂之頌周。不為之愈於為之也。若遇不知言者。則直佞人爾。柳之辱教子昂。復警議。事見前。習學記言。舊史陳子昂入文苑傳。止載諫逐并長安。翦惟州主卷二書。而新史列為傳。所載甚多。及言變徐庾體。始追推正。又言學堂至今猶存。蓋用韓愈輩語。以唐古文所起尊異之也。然與傳奕呂才同列。則不倫甚矣。又嗤其勸武氏興

卷一百三十四

十六

止。惜乎湮厄。當世道不遇時。委骨巴山。年志俱天。故其文未極也。嗚呼。聰明精粹。而淪剝。貪叩禁鷲。以顯榮。天子天子。吾未知夫天焉。張廣英曰。學者議子昂作太周受命神鳳頌。乃詭悅武氏而不忠於唐。始亦嗤鄙其文。後因數四。細繹其旨。則知子昂之頌。乃諷諫武后。而保佑中宗之微旨也。其揚雄劇秦美新之亞乎。何以明之。子昂表云。先有唐基。以啓周室。不改舊物。天下惟新。皇王已來。未嘗有也。此言自古未嘗有婦人革命之事。又欲武氏不改唐室舊物。乃不顯諫之義也。又序云。天無二日。土無二王。陛下受天之符。為人聖母。皇帝仁孝。肅恭神明。可以慕武承業。以承武氏。而天下謂不可傳於武氏。子昂之微旨也。魏謂諂悅武氏。而為之哉。首子雲美新室。郭開辨之。而世之人方知子雲之心。今辨子昂亦開之意。然則賢者立言。必俟後世之知音。噫。士君子仕於亂世。以此微文。而全身遠害可也。然而子雲之美新。子昂之頌周。不為之愈於為之也。若遇不知言者。則直佞人爾。柳之辱教子昂。復警議。事見前。習學記言。舊史陳子昂入文苑傳。止載諫逐并長安。翦惟州主卷二書。而新史列為傳。所載甚多。及言變徐庾體。始追推正。又言學堂至今猶存。蓋用韓愈輩語。以唐古文所起尊異之也。然與傳奕呂才同列。則不倫甚矣。又嗤其勸武氏興

明堂大學。為主壁於房闈。以脂澤汙漫之。則輕侮甚矣。惟聖賢自為出處。餘則因時各繫其所逢。如子昂終始一武。后爾吐其所懷。信其所學。不得不然。可無訾也。舊言子昂父為縣令。段簡所辱。還還榔里。簡乃事收繫獄中。憂憤而卒。而新史乃言父老表解官歸。侍詔以官歸養。段簡貪暴。簡當欲害子昂。家人納錢二十萬緡。簡薄其賂。捕送獄中。子昂名重朝廷。簡何人。猶以二十萬緡為少而殺之。雖渠莫之惡。不過恐所載兩未真也。黃門侍郎盧藏用祭陳公文云。子之生也。珠圓流兮。玉介潔子之沒也。太山頽兮。梁木折。士林闕寂兮。人物踈。門館蕭條兮。賓侶絕。嘆佳城之不返。辭玉階而長別。嗚呼。置酒祭子。子不顧。失聲哭。子不迴。唯天道而無託。但撫心而已。推尚饗。潼川志登陳拾遺書臺。覽杜工部留題。慨然成詠。前權知尚書刑部郎中牛嶠。步出縣西郊。攀蘿登峭壁。行到藥珠宮。暫喜拋火宅。初帔請焚脩。霜鐘扣空寂。山影落中流。波聲吞大澤。北廂引危巖。工部曾刻石。解高謝康樂。吟久驚神魄。拾遺有書堂。荒榛堆瓦礫。二賢間世生。畫名空烜赫。逸足擬追風。祥鸞已翹翹。伊餘誠未學。少被文章役。興來揮毫毫。欲競雕孤力。雖稱舍香吏。猶是輶連客。薄命值亂離。經年遊戎戟。今來略倚柱。不覺衝暝色。衰安憂國心。誰憐鬢雙白。光啓三年九月二

十六日 又覽陳拾遺文集。東川觀察判官長沙劉琬已下皆是 邨中好事人家。葢君十軸。余來多暇。子借得晝夜讀。意氣高於頭。冰霜冷人腹。就中大雅篇。日日吟不足。生遇明皇帝。君臣竟不識。沈湮死下位。我輩更莫卜。射洪客來說。露碑今已踏。剡剡存戒。勢欲入溝瀆。寓書託宰君。請為試摩挲。樹之四達地。後碑高作屋。憤君死後名。再依泥沙屨。世路重富貴。婉婉好眉目。文學如君輩。安得足衣食。不死橫路渠。為幸已多福。我有平生心。摧殘不局促。揖君盛年名。萬鍾何足祿。量長後校短。鳧脛不願續。悲君淚垂頤。雲山空蜀國。

### 陳該

唐陳拾遺集撰周故內供奉學士。懷州河內縣尉。陳君頌墓誌。君諱該。字序表。綿州顯武人也。其先穎川。遷蜀。秦曾祖奇。曾考永貴。皆養高不仕。君少好學。能屬文。上元元年。州貢進士。對策高第。釋褐授將仕郎。其明年制勅天下文儒。司屬少卿楊守訥薦君。應詞。彈文。律對策高第。勅授茂州石泉縣主簿。開耀元年。制舉太子舍人。司議郎。太子少卿。元知讓。應制薦君於朝堂。對策高第。勅授隆州蒼溪縣主簿。垂拱四年。又應制。學綜古今。對策高第。勅授懷州河內縣尉。凡歷所職。皆以清廉仁愛著聞。有周革命。天授三年。恩勅自河內追入關。供奉。居未暮。不幸

遇疾於神都積善坊考終厥命年六十三歸葬於豆口山之陽原禮也嗚呼哀哉古人有云飾頤夷之行不逢青雲之士而聲名磨滅者有之矣嗚呼陳君敦懿玄默潔清溫良馴道執志好學博古恂恂焉行高職卑不改其操學優祿薄不怨於天西舉有道二慈下位晏如也非諱諱淑人其誰能淫而不渝哉夫知命可謂君子矣好學可謂為文夫丹書不藏於勳府青史不昭於方冊於戲一絕故老之口孰知夫子之賢哉吾與君族人也服羨其德尚矣昔子雲稱李元帝璩叔令伯皆沒而不朽後代稱之斯非若人之徒歟吾豈然而無述其銘曰聞聞君子好斯文今得系繫章昔卿雲兮棲連下位允升聞兮金署玉堂見吾君兮鸞階鴻漸期紫氣兮鍾鳴漏盡竟蘭焚兮儒行墨節將何云兮恭承遺言立石人兮金刻丹書記歲辰兮青龍甲午銘茲墳兮

# 陳孜

唐陳怡遺集撰堂弟孜墓誌銘云君諱孜字無怠其先陳國人也五代祖太樂梁大同中為本郡大司馬生高祖方慶居梁亂始居新城郡武東山大父湯為郡主簿主晉祖迥早年迥生皇祖辯少習儒學然以豪英剛烈著聞是以名節為州國所服皇祖生考元英保植先

永樂大典卷三千百三十四

十八

人茂德降生於君幼孤天資雄植英秀獨邁性嚴簡而尚倜儻之奇爰集貞而不拘分獨之操始通詩禮略觀史傳即懷執物之操希曠代之業故言不宿諾行不苟從卑身克己服道崇德閨門穆穆如也鄉黨恂恂如也至乃雄以濟義勇以存仁貞以立事毅以守節獨斷於心每若由己實為特輩所高而莫敢與倫也是以鄉里畏切望風而靡邦國賢豪聞名而悅服方謂拂羽喬木緬昇高雲而遭大過棟橈而頹嗚呼天欲第子時年三十五是歲龍集癸巳有周天授二年七月卜兆不吉權殯於真諦寺之北園始以今甲午歲獻春一月乙酉朔二十五日巳酉定於石溪山之北崗陪考墳也君家世墳壠在武東山昭穆上封松相列成至君考遺令獨愛石溪之崗故君從先志相葬于此嗚呼哀哉始君伯父海內之文人也舍純剛之德有高大之行每見君嘆曰吾家世雖儒術傳嗣然豪英雄秀濟不民常懼後來光烈不蒙先風每見爾慰吾家道實謂君有逸群之首技俗之標越山越壑可以駭遠也蓋其天絕長茲良國嗚呼其元命歟公歟天不沈歟道固諒歟大圓蒼蒼大方茫茫賢聖同此爾之何傷古人有言味玉而瘞是暴骸於中原况吾家道尚儉名訓未墜封樹之禮吾敢過焉是用錫爾危木之器塗爾之靈克瘞之典忠孝之經昭示後代以垂永久銘

# 永樂大典

## 卷三二三四

曰我祖之威靈分馳於陳廼造喬兮此江濱五代崇光兮主夫君徽烈  
英曜兮始蓋蓋何意嚴霜降青春玉樹摧落兮成黃塵南山無際兮永幽  
淪悠悠昭代兮上爾辰吾慟感傷兮號蒼昊問之著策兮立茲  
墳乃言十載兮冠來錄黃頭之子白服人嗟爾黃頭兮勿傷神

### 陳子良

澶川志子良射共人嘗為果州相如縣令楊祐甫遺愛堂  
記云王元覺嘗訪故人尹君於果州之相如歸以書矜其

友楊天惠曰吾行有異聞焉相如小邑其治介嘉陵巧宦者所不顧然江  
山清野脩然有古氣嘗說人意尹君為守治疏具從山童相與抱杖彷徨  
於畦疇必谷間指佛刹曰此唐陳令所建隆因寺也食已過明真院野步  
舉趾數百有巖焉曰此唐陳令所居境丹地也予心異之亟招溪老問陳  
令故事曰今故梓州射共人子良其名或曰子昂從弟在天后時補令於  
此為政多惠人到今思之予曰今政奈何老曰今之政治不可考矣然相  
傳令將去邑時邑人共挽留之誠意真切不可解公亦愛吾人不足訣為  
棄官留不去遂終焉今墓在縣北馬安鄉語既尹因言曰天后時距今遠  
矣星曆派易此幾年如傳將述此幾今計銅章之刊復新者數矣耆舊皆  
莫之記願獨屹屹道陳令此必有不可忘者老之言定不誣然吾嘗病斯

人質勝少文其念陳令善矣乃不能捐數楹為陳衣冠之地耶吾已令寺僧築  
堂於令所建寺某處矣元覺幸探書致吾意於東蜀楊祐甫求記焉夫獨  
句元覺書達彭山天惠曰善哉是固不可以無記僕與陳同里陳之故僕  
知之蓋有得墨子私學白虎七變歸隱武東者曰方慶有慕王丹高風慕  
累千金退習先書者曰何有達元圓大象山樓絕穀故息人事者曰元敬  
蓋其家法之勝凡類此按陳令所為內樂釋氏之教旁綜道家之術著書  
順善怡神清虛遊戲纓弁不數數於世是其開原非盛德苗裔耶夫志順  
善則其視民必慈習清虛則其治體必靜是其所以有德於民為所思耶  
然考唐循吏傳見所收纔十五人常恨其書編迫不肆意必有遺  
落不盡如陳令之名果不得附易子之次豈所謂簡則必陋者耶

### 陳子幹

文苑英華唐陳子良誄平城縣正陳子幹昔聞子路雄烈  
赴難如歸先軫忠貞雖死無悔故能貽芳塵於後世倘一

作節義於逝年兄子勇嗣前脩功深曩代者豈可使身名頌感典藉無  
聞悲夫餘弟少府則其人也第名子幹字元楨梁右將軍信義太守之孫  
陳晉安王府諮議吳平侯之第三子也惟元楨稟質純和天挺聰俊生知  
孝悌早擅雄才屬金陵亂離王室版蕩人倫東長禮樂西歸自餘一門同

遷滿岸。是則開皇九年之四月也。家召有鍾漢之操。懷沖之心。遂屏跡杜門。加憂成疾。忍悲風樹。痛深陟估。其時餘年十九。齒始八。或伶仃孑若。實迫饑寒。青門之種瓜之田。白社無容身之地。一益。之米已索。一瓢之飲。屢空。日夕相悲。分填。其整頓。除以少。遵庭訓。夙慕家風。曾覽五經。頗窺三史。道孔融之令範。慕張楷之高蹤。長安主人。儀同。郝州。要餘入室。仍寄廡下。遂慕西河。指紳公子。負及雲華。藉此束修。方濟。口。幸以。仍切。不好弄。長實。庶幾。因茲入學。以勸以苦。諒非性分。何能成立。隋齊王。英禮。賢侍士。沛獻。非儔。召入平堂。悅其。隸。仍題。銀榜。取琦。仲將。足稱。妙絕。見。美。當世。龍。西。李。臣。仁。才。華。仕。俠。與。餘。宿。素。欽。其。俊。人。因。妻。以。女。非。厥。人。品。孰。能。致。之。及。爾。委。質。周。行。策。名。吏。部。公。卿。藉。甚。士。類。趨。風。俄。而。詔。授。并。州。平。城。縣。正。是。乃。深。閭。薄。領。妙。造。治。方。溫。水。藥。而。不。俞。頽。松。筠。而。無。改。屬。隋。運。將。謝。盜。賊。公。行。太。上。皇。于。時。留。守。并。州。能。潛。汾。水。所。管。州。縣。咸。聽。指。麾。專。揔。兵。機。武。道。寇。震。禎。素。使。方。勳。立。性。雄。昭。屢。剪。兇。渠。頻。蒙。榮。賞。凡。有。草。竊。咸。資。決。勝。以。大。業。十。二。年。八。月。有。賊。帥。郭。六。郎。年。十。將。兵。三。十。人。來。侵。縣。境。禎。受。命。率。徒。數。百。獨。飛。輕。騎。手。斬。十。人。賊。見。威。雄。莫。不。披。靡。忽。遭。流。矢。斃。于。陣。中。春。秋。三。十。有。一。嗚。呼。哀。哉。嗟。爾。輕。

永樂大典卷三百三十四

二十

生奮不顧命。在天胡忍。滅我哲人。方冀龜文。以諧豹變。如何馬革。遂索師元。嗚呼哀哉。爾從官東西。死生契闊。與餘一別。已逾二紀。往聞非命。寔用痛心。魂鶴鳴之在原。悲棠之先落。惜哉同氣。其莫何之。嗚呼哀哉。余以貞觀六年二月十日。夜於相如縣。夢見爾靈。仍於夢中。共馳來。乃涕流于枕。悲不自勝。嗟乎。門祚不昌。鍾此哀薄。既之子姪。終鮮兄弟。願影榮。獨實功肝腸。是知結草酬恩。魏顆之功。無爽。出魂。願請。將。濟。之。子。非。虛。雖。生。死。之。或。殊。諒。鬼。神。之。有。識。不。任。感。滄。追。誅。友。于。式。紀。遺。塵。庶。同。潘。岳。敢。詢。前。典。而。為。誄。云。猗。歟。我。祖。承。舜。之。緒。爰。從。妣。內。下。居。相。女。鳳。龍。于。齊。輝。映。于。許。宛。彼。長。陵。離。工。而。舉。攀。于。桂。林。寫。生。趙。楚。淮。海。喪。亂。關。河。播。遷。忽。傾。庭。陰。痛。結。冥。天。惟。我。兄。弟。泣。血。連。翩。余。雖。弱。冠。爾。尚。童。年。立。雖。無。地。窺。竈。無。烟。余。稟。家。風。世。敦。經。史。式。崇。儒。教。俄。而。成。市。衣。食。是。資。殷。憂。備。爾。因。修。學。遂。能。克。已。孝。故。有。裕。才。華。難。擬。言。行。無。擇。自。此。揚。名。偏。工。篆。隸。獨。擅。嘉。聲。爰。參。選。部。乃。任。平。城。金。科。是。甄。王。律。逾。明。尤。使。子。勳。本。慕。忠。貞。皇。上。龍。贊。居。冷。之。內。兵。權。收。恩。諸。侯。是。利。郭。六。身。是。稱。兵。齊。衛。元。損。受。律。奮。威。投。袂。躍。馬。星。奔。抽。戈。電。逝。斬。將。舉。旗。罕。當。鋒。銳。忽。中。飛。錫。在。陣。而。驚。嗚。呼。哀。哉。人。志。勇。敵。衆。疾。英。奇。况。逢。亂。世。功。無。所。施。在。位。非。坐。居。名。極。卑。不。

登廟食虛死何為。凡百君子各慎爾儀。獨埋玄壤。誰其賞知。空令親友。送哭路岐。無復蒲葭。唯餘墨池。露團宿草。風響松枝。山花開落。隴月盈虧。一朝非命。千秋未離。嗚呼哀哉。餘於縣府。春宵獨寐。忽覩爾靈。夢中相值。執手嗚咽。其疑作共。傷憔悴。語未及終。儼如電駟。寔感我心。寤乃驚悸。恍馬如失。伏枕流淚。曾聞負父魯侯命志。亦承揚噴。求策云記。荆伊義勇。取埒無愧。非余所述。誰當在意。興言遠感。發增情思。援翰寫心。式旌遺事。嗟爾義夫。英替不墜。嗚呼哀哉。

**陳饒奴** 新唐書孝友傳饒奴。饒州人。年十二親併亡。寡弱居喪。又歲飢。或教其分弟妹。可全性命。饒奴流涕願相全。養新史李復異之。給資儲署其門曰。孝友童子。

**陳龍樹** 德慶州晉康志。龍樹安靖公。長子佛賀。英風逸氣。鎮俗戢奸。寇盜屏息。仕唐歷龍南扶建。萬晉南施六州。新史封都陽縣開國男。

永樂大典卷三百三十四

三

**陳集原** 新唐書孝友傳集原。龍州開陽人。世為酋長。父龍樹為欽州刺史。有疾。集原輒不食。父亡。嘔血數升。即塋作廬。盡以田資。諫兄弟。里人高之。武后時。歷右豹韜衛大將軍。舊唐書列傳陳集原。龍州開陽人也。代為領袖。酋長。父龍樹。欽州刺史。集原幼有孝行。父纒有疾。終日不食。未幾中喪。父嘔血數升。枕服苦廬。悲感行路。資財田宅。及僮僕三十餘人。並以讓兄弟。德慶州晉康志。集原安靖公之孫。以勇節著聞。仕唐為冠軍大將軍。領川郡開國公。食邑三千戶。子仁謙。仕至銀青光祿大夫。都知兵馬使。

**陳貞節** 新唐書儒學傳貞節。潁川人。開元初為右拾遺。初隱。章懷太子並建陵廟。分八署。署官列吏。存四時祠。懿德節愍四太子。並建陵廟。分八署。署官列吏。存四時祠。官進饗。貞節以為非。是上言。王者制祀。以功德者。猶親畫而毀。四太子廟皆別祖。無功於人。而園祠時薦。有司守備。與列帝侔。金奏登歌。所以頌功德。詩曰。鐘鼓既設。一朝饗之。使無功而頌。不曰舞詠。非度邪。則制始祖。乃稱小廟。未知四廟。欲何名乎。請罷。卒吏詔祠官。無領屬。以應禮典。古者別子為祖。故有大小宗。右謂祀未可絕。宜許所後子孫奉之。詔有司。傳議。駕部員外郎裴子餘曰。四太子皆先帝冢嗣。列聖念懿。屬而為之。享春秋書。

晉世子曰將以晉界秦。秦將祀子。此不祀也。又言神不歆非類。君祀無乃戾乎。此有廟也。魯定公元年立煬宮。煬伯禽子。季氏遠祖。尚不為限。况天子篤親親。以及旁蕃。誰不曰然。太常博士段同曰。四陵廟。皆天子睦親繼絕也。逝者錫殯。猶生者之開茅土。古封建子弟。詎皆有功。生無所議。死乃後禮。停祠。人其謂何。隱於上伯祖也。服懇。章懷伯父也。服養。懿德節愍堂昆弟也。服大功。親未盡。廟不可廢。禮部尚書鄭惟忠等二十七人亦附其言。於是四陵廟。惟減史辛半。它如舊。遷太常博士。玄宗奉昭成皇后祔睿宗室。又欲肅明皇后并升焉。貞節奏言。廟必有配。一帝一后。禮之正也。昭成皇后有大妣之德。宜升配睿宗。肅明皇后既非子貴。宜在別廟。周人奏夷則。歌小呂。以享先妣。先妣。姜嫄也。以生后稷。故特立廟曰閟宮。晉簡文帝。鄭宣皇后不配食。築宮於外。以歲時致享。肅明請準周姜嫄。晉宣后納主別廟。時享如儀。於是留主儀坤廟。詔隸太廟。毋置官屬。貞節又與傅士蘇獻上言。睿宗於孝和弟也。按賀循說。兄弟不相為後。故殷盤庚不序陽甲。而上繼先君。漢光武不嗣孝成。而上承元帝。晉懷帝繼世祖。不繼惠帝。故陽甲孝成出為別廟。又言兄弟共世。昭穆位同。則毀二廟。有天下者從禰而上。事七廟。尊者所統。廣故及遠祖。若容兄弟。則上毀祖考。天子不

得全事。七世奏請。以中宗為別廟。大禘則合食太祖。奉睿宗。繼高宗。則祿獻水序。詔可。乃奉中宗別廟。升睿宗為第七室。五年太廟壞。天子舍神主。太極殿。營新廟。素服避正寢三日不朝。猶辛東都。伊闕。男子孫平。子上書曰。乃正月太廟毀。此躋二帝之驗也。春秋君薨。卒哭而祔。祔而作主。特祀於主。蒸嘗禘於廟。今皆違之。曹文公之二年。躋僖於閟上。後太室壞。春秋書其災。說曰。僖雖閟兄。嘗為之臣。臣居君上。是謂失禮。故太室壞。且兄臣於弟。猶不可躋。弟嘗臣兄。乃可躋乎。莊公薨。閟公二年而禘。春秋非之。况大行夏禴。而太廟冬禘。不亦亟乎。太室尊所。若曰。魯自是陵夷。隨周公之祀。太廟今壞。意者其將陵夷。隨先帝之祀乎。陛下未祭孝和。先祭太上皇。先臣後君。昔躋兄弟上。今弟先兄祭。昔太室壞。今太廟毀。與春秋正同。不可不察。武后篡國。孝和中興有功。今內主別祠。不得列于世。亦已薄矣。夫功不可棄。君不可下。畏不可輕。且臣繼君。猶子繼父。故禹不先鯀。周不先不窋。宋鄭不以帝乙厲王不肖。猶尊之也。况中興。昭晉太康時。宣帝廟地陷梁折。又三年太廟殿陷。而及泉。史營之。梁又折。天之所譴。非必朽而壞也。晉不承天。故及于亂。臣謂宜遵孝和還廟。何必違禮。下同魯晉哉。帝異其言。詔有司復議。貞節獻與博士馮宗質之曰。天子七廟。三昭三穆。與太



遷門下侍郎天寶元年有神降丹鳳門以為老子告錫靈符希烈因是上言臣侍演南華真經至七篇陛下顧曰此言養生朕既悟其術而德充符詎無非常應哉臣稽首對陛下德充於內符應於外必有絕瑞未之今靈符降錫與帝意合宜示史官俾著顯祥揣照無窮其喻佞類如此俄兼崇玄館大學士封臨穎侯林甫顯朝苟有可專制者引與共政以希烈柔易且帝眷之厚乃薦之五載進同中書門下平章事遷左丞相兼兵部尚書許國公又兼秘書省圖書使寵與林甫侔林甫居位久其陰詭雖足自固亦布烈左右馬楊國忠執政素忌之希烈引避國忠即薦常見素代相罷為太子太師希烈失職內忍怨無所賴及祿山盜京師遂與達奚珣等皆相賊後論罪斬肅宗以上皇素所遇賜死于家 禍尹和切喻他佞切舊唐書列傳陳希烈者宋州人也精玄學書無不覽開元中玄宗留意經義自褚無量元行冲卒後得希烈與鳳翔人馮朝隱常於禁中講老易累遷至秘書少監代張九齡專判集賢院事玄宗凡有撰述必經希烈之手李林甫知上睦待深異又以和裕易制乃引為宰相同知政事相得甚歡而林甫居位日久雖陰謀毒畫足以自固亦希烈佐佑唱和之力也累遷兼兵部尚書左相封穎州郡開國公龍遇倖於林甫及林甫死楊國忠用事

永樂大典卷三百三十四

書

素忌嫉之乃引韋見素同列罷希烈知政事守太子太師希烈失恩心頗快悵祿山之亂與張洎達奚珣同掌賊之機衡六等定罪希烈當斬肅宗以上皇素遇賜死于家 史臣曰劉徐公員不羈之材逢抵賊之運遂能奮命決策扶力中興朝為徒步之人夕據公侯之位苟非輕死重利不恥不義之圖安及此哉郭代公張燕公解連掖而登將壇驅貔虎之師斷虜戎之臂暨居衡軸克致隆平可謂武緯文綏惟申與甫而已惜乎珣洎務速失節賊廷自武德已來稱賢相者房杜姚宋四公皆遭無賴子弟行地先業非獨燕國之不幸也希烈柔而多智長於名理竟死於名所謂離婁不見其眉睫與夫平叔太初同膏肓耳通羅網自唐玄宗天寶五年以陳希烈同平章事希烈以謀老莊得進專用神仙符瑞博於上李林甫以希烈素佞易制故引以為相政事一決於林甫希烈但給唯諾故事宰相于後六刻乃出林甫奏命太平無事已時即還第機務皆決於私家王書抱成業請希烈書名而已

# 陳昭

金華東陽志昭婺州人僕射房瑄相國崔漢嘗賤睦歙州官昭見之云二公他日並為宰相然崔公為一大使來江左及至德

初明皇入蜀。房崔二公同時拜相。崔後為選補使。按行江東。定命錄。

### 陳玄禮

新唐書列傳玄禮宿衛宮禁。以淳篤自檢。帝嘗欲幸統國夫人第。諫曰。未宣敕。不可輕去就。帝為止。後在華清宮。正月望夜。帝將出遊。復諫曰。宮外曠野無備。陛下必出遊。願歸城闕。帝不能奪。安祿山反。謀誅楊國忠。閣下不克至。馬嵬卒誅之。使入蜀。還封蔡國公。及李輔國。遣帝西內。玄禮以老卒。姓氏達華。玄禮從明皇幸蜀。至馬嵬。奏上曰。國忠既誅。貴妃不宜居內。遂殺貴妃。玄禮拜龍武大將軍。封蔡國公。

### 陳少游

新唐書列傳少游博州博平人。幼習老子莊周書。為崇升坐。音吐清辯。擢引淹該。問窮而對有餘。大學士陳希烈高其能。既擢。補南平令。治有聲。累遷侍御史。建中初。朝廷經費不充。始請本道稅錢十增二百。益升加百錢。度支因請諸道並增焉。李訥拒命。少游出師收徐海等州。俄棄之。退屯盱眙。累進檢校尚書左僕射。賜封戶三百。加同中書門下平章事。時宰相關播盧杞。與少游有雅故。故驟兼台司。董衡釋音媚。美報切。贊其保切。盱眙。上旬。于下。余。又。領。再。雙。切。進。即。佐。切。博。其。亦。切。汎。

永樂大典卷三百三十四

五

忠進切。西也。唐書列傳陳少游博州人也。祖儼安西副都護。父慶石武衛兵曹參軍。以少游累贈工部尚書。少游幼聰辯。初習莊列老子。為崇玄館學生。來推引講。時同列有私習經義者。期昇坐。日相問難。及會少游攝齊昇坐。音韻清辯。觀者屬目。所引文句。悉兼他義。諸生不能對。甚為大學士陳希烈歎賞。又以同宗遇之甚厚。既擢第。補渝州南平令。理甚有聲。至德中。河東節度王思禮奏為參謀。累授大理司直。監察殿中侍御史。節度判官。寶應元年。入為金部員外郎。尋授侍御史。起統振科儀。改檢校職方員外郎。充使檢校郎官。自少游始也。明年僕固懷恩奏為河北副元帥判官。兵部郎中兼侍御史。遷晉州刺史。改同州刺史。未視事。又歷晉鄭二州刺史。少游為理。長於權變。時推幹濟。然厚斂財貨。交結權倖。以是頗獲遷擢。無幾。澤潞節度使李抱玉表為副使。御史中丞。陳鄭二州留後。永泰二年。抱玉又奏為隴右行軍司馬。拜檢校左庶子。依前兼中丞。其年除桂州刺史。少游乃宿於其里。候其下。具。際。晚。謁。之。從。容。曰。七。郎。家。中。人。數。幾。何。每。月。所。費。復。幾。何。秀。曰。久。忝。近。職。家。累。甚。重。又。屬。時。物。騰。貴。一。月。過。千。餘。萬。少。游。曰。據。此。之。費。俸。錢。不。足。支。數。日。其。餘。常。須。數。求。外。人。方。可。取。濟。儻。有。

輸誠供億者。但留心庇覆之。固勇為力耳。少游雖不才。請以一身獨供七  
郎之費。每歲請獻錢五萬貫。今見有太半。請即受納。餘到官續送。免貴人  
勞慮。不亦可乎。秀既踰於始望。欣愜頗甚。因與之厚相結。少游言訖。泣曰。  
南方炎瘴深愴。違辭。但恐不生還。再覩顏色矣。秀遽曰。中丞美才。不當遠  
官。請從容旬日。冀竭塞分。時少游又已納賄於元。載子仲武矣。秀載內外  
引薦。數日拜宣州刺史。宣歙池都團練觀察使。大曆五年。改越州刺史。兼  
御史大夫。浙東觀察使。八年。遷揚州大都督府長史。淮南節度觀察使。仍  
加銀青光祿大夫。封穎川縣開國子。所在悉日緹緝。而多以任數為政。好  
行小惠。胥吏得職。人亦獲安。及朝廷多事。奏請本道兩稅錢十增二百。因  
詔諸道。悉如淮南。鹽每一斛。更加一百文。少游十餘年間。三總大藩。皆大  
下殺厚處也。以故徵求貨易。且無虛日。歛積財寶。累巨億萬。多賂遺權貴。  
視文雅清流之士。蔑如也。初結元。載每年饋金帛約十萬貫。文。多納賄於  
用事。中官。駱奉仙。劉清潭。吳承清等。由是美聲達於中禁。後見元。載在相  
位。年深。以過犯。漸見疑忌。少游亦積疎之。無何。載子伯和。貶官揚州。少游  
外與之交結。而陰使人伺其過失。案以上聞。代宗以為忠。待之益厚。上即  
位。累加檢校禮部兵部尚書。建中三年。李納反叛。少游以師收徐海等州。

永樂大典卷三千五百三十五

五

尋棄之。退軍盱眙。又加檢校左僕射。賜實封三百戶。其年就加同平章事。  
開播嘗為少游賓僚。盧杞早年與之同在僕固懷恩使府。故驟加其官秩。  
四年十月。駕幸奉天。度支汴東兩稅使。包佶在揚州。尚未知也。佶判官崔  
元遠。報少游。佶時所總賦稅錢帛約八百萬貫。在焉。少游意以為賊據京  
師。未即收復。遂曾取其財物。先使判官崔頌。就佶強索其納給文曆。并請  
供二百萬貫錢物。以助軍費。佶答曰。所用財帛。須承勅命。未與之。頌勃然  
曰。中丞若得為劉長卿。不爾為崔衆矣。長卿嘗任租庸使。為吳仲孺所困。  
崔衆供軍奉財。為光弼所殺。故頌言及之。佶大懼。不敢固護。財帛將轉輸  
入京。師者悉為少游奪之。佶自謁少游。止馬長揖而遣。既懼禍。奔往曰。少  
游又遣判官房孺。優召之。佶愈懼。託以巡檢。因急棹過江。妻子伏案牘。  
中。至上元。優為韓滉所拘留。佶先有兵三十守禦財貨。令高越元甫將馬  
少游盡奪之。隨佶渡江者。又為韓滉所留。佶但領胥吏往江鄂等州。佶於  
彈丸中。直表以少游曾取財帛事。會少游使繼至。上問曰。少游收包佶財  
帛。有之乎。對曰。臣發揚州後。非所知也。上曰。少游國之守臣。或防他盜。供  
費軍旅。收亦何傷。時方隅阻絕。國命未振。遠近聞之大驚。咸以聖情達於  
變。通明見萬里。少游後聞之。乃安。及李希烈陷汴州。聲言欲襲江淮。少游

懼乃使參謀溫述由壽州送款於希烈曰豪壽舒盧尋令罷聖節文卷甲  
 佇候指揮少游又遣巡官趙詵於鄆州結李綱其年希烈僭號遣其將楊  
 豐齋偽敕書赴揚州至壽州為刺史張建封候騎所得建封對中使二人  
 及少游判官許子瑞廷責豐而斬之希烈聞之大怒即署其大將杜少誠  
 為偽僕射淮南節度令先平壽州後取廣陵建封於廣丘堅柵嚴加守禁  
 少誠竟不能進後包佶入朝具奏少游奪財賦事狀少游大懼乃上表以  
 所取包佶財貨皆是供軍急用今請據數却納既而州府殘破無以上填  
 乃與腹心孔目官等設法重稅管內百姓以供之無何劉洽收汴州得希  
 烈偽起居注某月日陳少游上表歸順少游聞之慙惶發疾數日而卒年  
 六十一贈大尉時布帛奔祭如常儀唐語林劉大貞為陳少游行狀比之  
 齊桓晉文時議喧騰後坐貢院用情追責前事貶信州刺史通鑑綱目唐  
 德宗建中三年十一月加陳少游同平章事元氏曰少游重故以不能此  
 民成也德宗推其法於天下而以  
 宰相員之安得無頗廢之禍乎

### 陳利貞

唐書列傳利貞幽州范陽人初為平盧將安祿山亂從光  
 弼軍河南張巡被圍睢陽也光弼遣郝廷玉及利貞救之

永樂大典卷三三三四

五

輕騎出入廷玉稱為勝已以子妻之及歸薦于光弼自行間累遷檢校太  
 子賓客封靜戎郡王李希烈叛詔哥舒曜東討利貞為前鋒次刺城賊眾  
 大集利貞出奇兵五百橫擣其右賊鋒出數月不敢前及希烈攻睢襄城  
 利貞登陴捍守七十日未嘗懈沐非議事不下城未此及利貞及張廷芝  
 所統士皆幽薊河隴人故與廷芝合謀應此而利貞麾下亦從為亂夜半  
 難作利貞拔劍當軍門大譁曰欲過門者先殺我眾畏其勇乃止廷芝出  
 奔德宗嘉之擢汝州防禦使貞元五年疽發首卒道觀察使崔縱書自陳  
 受國恩恨不得死所云昨子惟悛擢則悲切陳也諱著故也文苑英華  
 穆員撰汝州刺史陳公墓誌銘唐貞元五年秋七月汝州防禦使汝州刺  
 史兼御史大夫東都畿汝州都防禦左軍兵馬靜戎郡王陳公疽發首已  
 酉命牙門將鮮于侍進奉書告辭元戎尚書安平公以受恩忘死非其死  
 為恨又命嘗同百戰之將王進達等十數人以忠盡王事為別又命嗣子  
 少英以孝敬繼夫人為誡庚戌歸于私第辛亥薨八月孤少英與家老故  
 吏及龜筮謀得宅兆于州東石樓山之陽辛酉葬公諱利貞范陽人祿山  
 之亂始自平盧越海歸國累建戎効從大尉臨淮王光弼軍于河南寇攻  
 睢陽密陷大尉常遣腹心爪牙之帥郝廷玉合諸侯之眾趨之公輒以輕

騎赴如林之營。入其腹出其背。如颺如星。庭王奇公之才。謂已不遠。拔於行間。以其子妻之。繩于臨淮。列為重將。其後庭王入備宿衛。出鎮河龍。公實從之。凡十遷大將軍。太常卿。太子賓客。特進。開府。靜戎郡王。至御史中丞。隴右都知兵馬使。其所置者皆如釋米之事。希烈之亂。詔以哥舒曜為汝洛節制。俾公之前隊佐之。事殺作軍。次汝墳。不終日。賊拔。又以次襄陽。寇軍大至。公以馬步五百當強寇萬人。立為奇兵。橫擊其右。尤黨退却。一作數月不前。襄陽城守拒有備。由此効也。希烈自統二千一作空又作自合豺狼之衆。至而圍合。矢石雨下。晝夜不息。外築塹道與城相屬。公登陴。葺祠號聖姑者。惡少為朋以祭。至數百人。或爭豪校氣。至相殺傷。公患之。語吏將毀其祠。吏曰。此姦猾所估。慢者或潛為賊所呪。敢毀之。公曰。令豈畏賊者耶。即毀之。境中為清。公在涇州。時河州羌酋木征為華人程曰告變。言其欲內侵為叛。朝廷命監司選公按治。公遣介就訊。木征自陳曰。主上使守河州。而程白阻遏。誥命。俸不時給。我聚兵將取白耳。公勒得情。且曰。木征世為外藩。以供職貢。戍邊者興。事造言。激使警擾。以希功賞耳。朝廷為新程白以誥命。畀木征。果渡洮水而去。邛州有匿名投書言。戍卒欲連他郡兵為變。主兵者震懼。白公曰。此姦人所為。命焚書於庭。卒亦

永樂大典卷三千一百三十四

元

無變。公恂恂似不能言。遇事立決。人不可奪。好讀書。經史皆手自校讐。以誨其子弟。故門中多令器云。娶錢氏。復娶其女。某縣君。又娶曹氏。封某縣君。先卒。男四人。長曰保之。次曰某。早夭。次曰偃之。次曰仰之。皆太廟齋郎。女三人。長適邠州觀察推官呂大臨。次早卒。次適潁州汝陰縣尉劉唐聰。孫男二人。孫女三人。竝幼。保之將以某年某月某日葬。君某鄉某里之原。請銘于子。子嘗與公為儉義。不得辭。銘曰。循循陳公。慶門之英。仕偶聖時。位以才升。伯仲蟬聯。軒冕尊榮。壽終于鄉。葬歸先塋。燕翼唯良。以紹家聲。公其無憾。萬世斯寧。

永樂大典卷之三千一百三十四

重錄總校官侍郎臣高拱

學士臣瞿景淳

分校官編修臣陶大臨

書寫儒士臣謝月樞

圖點監生臣陶大樞

臣徐浩